

Na osnovu člana 16. stav (2) Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 29. i 46. Zakona o izvršavanju Budžeta Zeničko-dobojskog kantona za 2024. godinu, („Službene novine Zeničko-dobojskog kantona“, broj: 21/23 i 4/24), na prijedlog Ministarstva za privredu, Vlada Zeničko-dobojskog kantona na 25. sjednici, održanoj 30.04.2024. godine, donosi

ODLUKU

o usvajanju Programa utroška sredstava Ministarstva za privredu pozicija „Nabavka opreme“ Budžeta Zeničko-dobojskog kantona za 2024. godinu

Član 1. (Predmet)

Usvaja se Program utroška budžetskih sredstava u razdjelu 18 - Ministarstvo za privredu, budžetska organizacija 01, potrošačka jedinica 0001, ekonomski kod 821300, pozicija „Nabavka opreme“, Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom godišnjem iznosu od 20.000,00 KM (slovima: dvadesethiljada konvertibilnih maraka) i čini sastavni dio ove odluke.

Član 2. (Način realizacije)

Sredstva planirana ovim Programom, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade.

Član 3. (Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-8482/24
Datum, 30.04.2024. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.



PROGRAM

**utroška budžetskih sredstava u razdjelu 18 - Ministarstvo za privredu, budžetska organizacija
02, potrošačka jedinica 0001, ekonomski kod 821300, pozicija „Nabavka opreme“, Budžeta
Zeničko-dobojskog kantona za 2024. godinu**

Zenica, april 2024. godine

1. NAZIV PROGRAMA

Program utroška budžetskih sredstava u razdjelu 18 - Ministarstvo za privredu, budžetska organizacija 02, potrošačka jedinica 0001, ekonomski kod 821300, pozicija „Nabavka opreme“, Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23).

2. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA MINISTARSTVA ZA PRIVREDU U 2024. GODINI

Izrada Programa utroška budžetskih sredstava Ministarstva za privredu u 2024. godini propisana je članovima 29. stav 2. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24).

3. SVRHA PROGRAMA I VISINA SREDSTAVA

Svrha programa jeste da se odobrena sredstva iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23) u ukupnom godišnjem iznosu od 20.000,00 KM (slovima: dvadesethiljadakonvertibilnih maraka), koriste za nabavku nove opreme u radnim prostorijama Ministarstva za privredu.

4. IZVORI SREDSTAVA

Budžet Zeničko-dobojskog kantona za 2024. godinu („Službene novine Zeničko-dobojskog kantona“ broj: 21/23), sa razdjela 18 - Ministarstvo za privredu u 2024. Godini, budžetska organizacija 02, potrošačka jedinica 0001, ekonomski kod 821300, pozicija „Nabavka opreme“.

5. KRITERIJI

Kriteriji će biti utvrđeni u skladu sa Zakonom o javnim nabavkama i Planom javnih nabavki Ministarstva za privredu za 2024. godinu.

6. NAČIN REALIZACIJE

Sredstva za nabavku opreme iz člana 1. ovog Programa će se utrošiti, u okviru planiranih sredstava, kako je navedeno u tabeli:

R.br.	Naziv	Količina	Planirana sredstva /KM/
1.	Kancelarijski namještaj - stolica	1	292,50
2.	Kancelarijski namještaj - metalni ormar za kartoteku/latičar	1	702,00
3.	Kancelarijski namještaj - ormar za dokumentaciju	2	1.100,00
4.	Kancelarijski namještaj - sto	2	900,00

5.	Kancelarijski namještaj - ormar/latičar	1	499,00
6.	Električni uređaj -frižider	1	700,00
7.	Ostala kancelarijska oprema	1	15.806,50
UKUPNO			20.000,00

Za realizaciju sredstava po ovom programu Zadužuju se Ministarstvo za privredu i Ministarstvo finansija, svako u okviru svojih nadležnosti.

7. KORISNIK SREDSTAVA

Korisnici sredstava su dobavljači koje Ministarstvo za privredu odabere u skladu sa Zakonom o javnim nabavkama („Sl.glasnik BiH“, broj: 39/14 i 59/22).

8. ROKOVI IZVJEŠTAVANJA

O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

Broj: 02-11-8482/24
Datum, 30.04.2024. godine
Zenica

PREMIJER
po ovlaštenju

Dženana Čišija

DOSTAVLJENO:

1 x Ministarstvo za privredu,
1 x Ministarstvo finansija,
1 x „Službene novine Zeničko-dobojskog kantona“,
1 x a/a.